

裴文達公文集

恩綸

乾隆三十八年五月

上諭工部尚書裘曰修品學端醇才猷練達入直內廷屢膺使命宣力年久倚任方深今春偶患噎膈特遣太醫院堂官診治復常遣御前侍衛前往看視比因病體加劇奏請解職未允所請並賜詩

示慰昨又降旨晉加官銜俾之舒心攝
養以冀速痊茲聞溘逝深為悼惜著加
恩派散秩大臣一員帶侍衛十員往奠
茶酒所有在任草職降級之案俱著開
復應得卹典仍著該部察例具奏欽此

諭祭文

升華中禁風俗碩學之臣分秘久官遽失
通材之選惟夙夜永懷寅亮迺始終克荷
恩施特賁彝章爰頒奠醑爾裘曰修品學
端醇才猷敏練西清簪筆躋丹地之深嚴
東觀紬書領青藜之著作倬直則卿雲復
旦時矢賡歌饒樞而嘉禮祥刑胥資翊贊

華班濟厯銓衡共樞密兼參寵命頻加戶
版與倉儲交領表風裁於京兆揚職維勤
籌疏濬於河渠宣猷攸賴崇階特晉正宮
秩之方加疾疾弗瘳竟尚醫之罔效淪徂
見告軫惻良深昭寵數以敷恩錫休稱而
予謚澤施窀穸禮備哀榮於戲疇若予工
前席想良謨之告往嘉勳績重筵逮幽壤

之恩維爾有靈尚其克享

御賜碑文

朕惟六官垂事典允懷翼贊之謨中禁列
詞臣尤重老成之望緬分猷於卿月勤勞
夙凜在公褒往績於龍章寵眷永光奕葉
爾原任太子少傅工部尚書裘曰修品著
端方才優幹濟入承明而橐筆文藻清新
履端尹以摛華風裁峻茂庸升秘閣旋襄

戎政於中樞進貳銓衡更筦度支於民部
素諳河務朔南嘗藉宣防俾理倉儲出納
總歸平準既奉公之匪懈遂峻秩之頻遷
擢膺秋憲之嚴明刑惟允洊厯冬官之正
物土咸宜兼司京兆以揚風每與賡歌而
侍宴奉皇華而出使屢効馳驅啟芸閣以
讐書方資綜理式頒休命特晉官銜何期

厥疾之不瘳即賜尚醫而罔效靈筵既奠
軫卹彌深爰推身後之恩載紀生前之嫻
謚之文達表厥豐碑於戲隆畫接於槐階
雅度猶思曳履煥堂封於馬鬣新綸用勒
貞珉貽爾嘉聲昭茲來許

水由地中行南
北勢殊異南土
勤溝洫鮮害而
多利北方盡平

衍利少害常致
素旱澇偶逢畎
陰縱棄置比年
夏秋澇乃見澇

波積蒿目之良
才屈命疏消試
復稱海不受是
誠無別計嗟

我災黎視尔頻
受沴相與待天
時益用垣慙愧
費帑与截漕十

求一二信處知
天津壩洩潦實
遲滯重臣令馳
往情吏亟抵罪

導宣入海河個
壤已耕墮文大
釜店形難較津
南倍印今此愁

旱而彼仍望雲
然盡一分力度
獲一分直綢衣
分時陰漸有可

耕勢此均治標

榮未為探奉義

豫省及上江注

年祿每速夢麟

與汝修承旨克
奏績馳驛台來
系斯實為民基
投報非寡情寧

宜顧浮議輕車

汝其費宣房汝

其安集思見母

執周視勞母遜

委輸必源尋下
醞求高自功要
在人为守株兔
安心孰急且先

圖孰緩宜後治
孰瘳宜剔鬢孰
澤宜讓棄代賑
防中飽舉事懷

抑埴勉汝永遠
謀副予勤求意

命裘曰修踏
勤直隸積水

疏濬事宜訪
示梗概得三
十韻即書以
賜癸未清和

讀書

腹因廢食減便，何
事投醫尚未霍然欲
乞水衡權解職可
忘芸席共研篇鄉

云效力正長日我
則憐村未老年
不忍管病例系樹
還市香樹傷金症

工部尚書裴曰
修因病乞解任
調理既不许
詩以賜慰
癸巳

清和月

下
泮

清
筆

南昌府新建縣爲公舉鄉賢以協輿情事據本縣進士
陳獻琪等呈稱竊惟鄉先生有祠祀之典千秋之俎豆
維馨賢公卿垂學校之坊一代之儀型斯在故言可法
而行可則朝廟从著其楷模斯待夫後而守夫先奕禮
允垂爲矜式聞風者皆爲興起詢謀焉罔弗僉同新邑
故原任

經筵講官

太子少傅工部尚書兼管順天府府尹事

文達公裘

諱

曰修間氣鍾靈偉人應運家庭孝友門多

聚順之徵族邨雍和德有餘波之照霖雨繫蒼生之望
名早噪於賢宮鳳麟蔚華國之材聲旋馳於翰苑簪毫

出入近九霄而親捧

朶雲佩玉從容歷數載而薦升卿月學問則經綸條貫
地負海涵曾懷則元氣氤氲春和秋爽六秩任股肱之
寄榮歷諸曹三台應星象之占位尊獨坐當樞衡之屢
秉見

委任之逾專一主禮闈五膺典試文歸雅正悉除軋茁
之音材拔精良冀作羽儀之用他如河渠績懋頻走使
車蠲賑膏濃勤宣

上德沃衍遍

興之地疆原用藉清釐輿圖拓雁塞以西佐理曾資繼

策十年京尹望重總司萬庾天儲才優兼顧凡茲遭逢
獨盛受

聖天子特達之知足覘盡瘁不遑符古大儒報稱之學
賜祭賜葬賜諡於

國卹已屬無加立德立功立言在士林允推不朽琪等
生同桑梓身近宮牆緬懷架範之存共切風聲之樹簪
紱有裨於名教實沒而可祭之人山水猶覺其高長非
阿其所好之說敬陳下悃恭叩台端伏請賜文轉詳候
題請

旨俾崇祀鄉賢以光

鉅典庶風流可式哲人增芹藻之輝芳範永垂秩祀煥
粉榆之色等情由縣府司詳院具

題奉

旨該部議奏欽此禮部具

奏查各省題報鄉賢一項向由該督撫取具冊結送部
覆核如果名實相副臣部照例題准入祀俾潛德幽光
不致湮沒以昭

令典今該護撫以已故尙書裴曰修題請從祀查裴曰
修仕躋通顯久依

禁近非如鄉里潛脩名位未達者可比且其生前既深

荷

洪慈身後倍邀異數

賜卹與諡

恩施優渥其才具品行與服官事蹟均在

聖明洞鑒之中應否准其入祀鄉賢之處理合奏請

旨恭候

命下

臣等欽遵辦理爲此謹

奏

乾隆四十年四月十七日奉

旨准入鄉賢祠欽此

崇祀錄

皇清誥授光祿大夫太子少傅

經筵講官

南書房供奉工部尚書兼管順天府尹事諡文達顯考
漫士府君行述

曾祖宗海公邑庠生

皇贈光祿大夫工部尚書

妣一品太夫人朱氏

祖松亭公舉明經

皇贈光祿大夫工部尚書

妣一品太夫人郭氏

行述

父思補公康熙庚午亞元丁丑進士任江南建德縣知縣行取吏部主事歷陞員外郎中考選戶科給事轉刑科掌印給事中沒入祀建德名宦祠

皇贈光祿大夫工部尚書

妣一品太夫人熊氏郝氏王氏

本貫江西南昌府新建縣民籍

年六十有二

烏岸府君年四十有三而生

不孝行簡

越三年生

不孝

豫卒之前二年生

不孝遵慶

先是歲辛巳壬午

男麟男

相繼下世府君於是無壯子

不孝等

後生髫髻於府

君邇年行事見且不知記憶而況未及見者乎惟是府君備位大臣宜有狀以請諡以備

國史立傳不敢無所述烏虜痛哉藐是諸孤斃斃在疚依吾母膝下苦幽中時舉府君之遺言行以誨督

不孝

等而四伯父銜哀之餘輒有所泣述誥誠洎四方之賓弔者或語生平交遊出處以寫其悲

不孝等

雖孩無知

敬聽之不敢忘以淚和墨敢述府君之官閥政績

恩遇言行諸大端以告

秉史筆立言之君子孤童蠢愚重以昏迷不能無所脫漏望

行述



大人先生與府君有一日之舊者憫是七尺孤幼失所
怙蹈茲讐學有以命之則 不孝等 生生世世感且弗朽

抑後世萬子孫感且弗朽述宮閣曰府君以雍正丁未
入學爲附學生員旋補廩膳生員乙卯以優行薦會
命舉博學鴻詞副憲陳公木齋以府君應

徵入京師乾隆丙辰中式順天鄉試第二十八名舉人
己未會試成進士

殿試第二甲第七名

賜進士出身改翰林院庶吉士壬戌散館試一等第一
名授職編脩癸亥

御試一等第三名遷侍讀學士充 日講官 起居注
甲子

命入直預脩西清古鑑遷詹事府少詹事旋

命南書房行走丁卯充湖北鄉試正考官戊辰晉詹事
庚午充浙江鄉試正考官旋授內閣學士兼禮部侍郎
辛未陞兵部右侍郎壬申充江南鄉試正考官又充大
清會典館副總裁官癸酉調吏部右侍郎以原銜充
經筵講官復充浙江鄉試正考官甲戌調戶部右侍郎
乙亥牽吏議革職越一月起左春坊左中允

命武英殿行走遷翰林院侍講復吏部右侍郎丙子

命軍機處行走奉

使巴里坤辦事丁丑復

命旋奉

使河南等處治水調戶部右侍郎己卯奉

使江南查勘水道充江南鄉試正考官庚辰奉

使甘肅查軍需事署總督倉場侍郎辛巳奉

使河南查災賑丁繼母郝太夫人憂癸未

命勘直隸水利旋南迎生母王太夫人

命便勘灘河中塗次

命往福建審理復署倉場侍郎乙酉復授戶部左侍郎

充經筵講官兼管順天府事丙戌充會試副總裁官
丁亥晉禮部尚書旋調刑部尚書戊子丁生母王太夫
人憂庚寅起復原官嗣降順天府尹未半載晉工部左
侍郎仍管順天府事辛卯晉尚書復充經筵講官
命理直隸水利壬辰奉

使盛京查旗地癸巳充四庫全書館總裁官晉階太
子少傅監距府君之卒二日矣述政績曰府君初筮仕
以文章受

主知專意譔述累司衡鑑逮陟卿貳敷歷六曹夙夜匪
懈而銜

使命之日爲多其事亦最著爲講官總司記注侍

內廷纂西清古鑑錢錄石渠寶笈祕殿珠林熱河志諸
書總裁會典勘定太學志最後領四庫全書館蓋畢生
帶書局始終云一爲會試總裁五爲鄉試正考官校閱
不遺一藝常曰吾生平忝竊多矣至如司文衡差無遺
憾故海內以府君主試多得人戶部及倉場凡數至勾
稽校覈皆洞中至工部則曰司計之地一不當卽破數
家矣敢不慎乎掌刑部曰

盛世政清刑平理官善奉行斯無失外有斷獄不當者
不敢徇也畿輔繁要轄州縣廣交關之地最夥所事恒

辦上契

聖心至十年未嘗離順天府事府君二十餘年歷六部皆徧所司咸曰公每換一曹輒數日手文書精思不發一語十日後卽駁議如流皆中窾要矣奉

使所歷半天下一出塞至巴里坤軍事密勿不得而詳也讞訟案咸允清軍需不煩而理其它則皆治水事蓋府君生平經濟於南北河渠水利瞭如指掌屢蒙任使仰承

指示盡心經畫凡源委脈絡沮洳僻隱之處靡不親行履勘所至輒諮詢利便下至耒耜隄夫之言亦所不遺

故能汜有成功於山東疏伊家河於安徽疏淝河宋陽
河十字河武家河霍邱城西河於都門浚大通橋至東
水關河六千六百丈有奇築平下牐普濟牐迤西減水
石壩建長生隄板壩及剗隄各百有五十丈辛巳於河
南勘塞楊橋蟄口二百餘丈於直隸永定河浚蘆溝中
泓抽槽取直疏金門牐北村求賢兩壩出水口築牛坨
挑水壩入黃家河移牐牛河上游引河東南五十里導
葛魚城北潛漲築攔水土埝淪鳳河淤於北運河疏筐
兒港減河抵梅厰東疏王家務減河抵八道沽築南倉
上橫隄以衛民居改南倉下疊道以洩西來之水復隔

浚隄千里長隄之墮圯者凡此皆府君奉

命與同事諸大臣商度損益而成之歲丁丑河南水溢
數郡民罔寧居

上特以胡公寶琮撫茲土而

專遣府君經理其事府君奉行

德意凡便於災黎者具舉講求水道疏下游以暢其勢
隄支河以綱其威剔曩隄防興工代賑以因其時往來
勘視者一年役五閱月告成上奏言臣所治水計州縣
二十有八開幹支河道六十有七袤五十餘萬丈延三
千餘里凡幹河四賈魯河界開陳二府之祥尉扶西淮

五縣舊深通今拓之達於沙河作夾隄以防漫溢惠濟河界開歸陳三府之中祥陳杞雖柘淮鹿八州縣分賈魯之水以達淮舊淤今濬治無阻渦河界三府之通杞太淮鹿五縣亦達淮舊間淤今大疏之沙礪盡起已成通渠竝加隄堰漫口晉彌巴溝及响河豐樂河界歸德之商夏永三縣其地連年水災皆緣下游多阻今通其尾閘加廣焉易達多容凡支河之在開封府者則陳畱之坡溝小溝杞縣之桃河陳杞之濉河蘭陽儀封之周家河儀封之谷溝牛家莊溝分入於惠濟北沙河其在歸德府者則商邱考城之北沙河商邱之南谷沙河誌

溝陸鄰溝馬三河安家河陳兩沙河冀家河商柘之明
河夏邑之巴清河桶子河毛家河三岔河小引溝岐河
白波河永城之減水溝虬龍溝岐麥口大澗溝漕虞城
之惠民溝永便溝苑家隄小引河睢州之康家河姬家
河橫河鹿邑之清水河黑河茨河急三道河明河考城
之盤馬寺溝林皇寺溝汀水河寧陵之五里堡河何家
窪河分入於惠濟渦溝洪溝澮河達於江南其在陳州
府者則淮寧項城沈邱之東西蔡河淮寧之東西蔡河
引溝棗林河俱入於大沙河其在汝寧府者則汝陽之
馬常河謝家灣溝遂平之石洋河上蔡之柳堰河泥河

茅河楊家橋溝王四溝閘新蔡之葛陵口溝李莊橋溝
尤家壩溝高溜溝馬家溜溝分入於洪汝二河凡隄之
脩築者汝陽之沙河新隄汝河新舊隄遂平之沙河舊
隄西平之洪河舊隄異漲底平暢順輦固蓋府君政績
之著者如此若備

顧問承

指授愼密不以告人者固不具是述

恩遇曰府君蒙被

鴻造受

特達之知係直三十年承

慈眷被

賚予者不可勝紀敬識

異數以彰

寵光初試正大光明殿

駕出垂詢良久

御覽詩賦閱卷大臣擬列次等

上特拔一等由是見

知典試江南道滁州攜宋臣歐陽修畫像進

御製賜題官吏部時

上垂念家計

賜分戶部飯銀

賜第於宣武門內之石虎衢衢奉

使出塞

賜

御用紅絨結頂冠

御衣一襲以行治水成兩次

命議敘加一級郝太夫人王太夫人皆高年

賜

御筆額曰 八旬衍慶曰 七袞連祺又

賜

御筆堂額曰「愛日堂」直隸水道

命卽家馳驛抵京師

寵賜以詩有馳驛名來京斯實爲民甚投艱非奪情寧
宜顧浮議之句丁亥正月

重華宮茶宴和詩先成

上嘉賞

賜三清茶并輟茶器以

賚上封事於靜明園退遊碧雲寺作詩錄呈

宸覽荷

賜俯和

上以書法近宋臣張卽之以內藏卽之書華嚴經殘本

命書補

上耕籍田

製禾詞有犁鞭襄事皆文苑應有佳詞佐稽儀之句謂
今相國金壇于公以大司農進犁府君以管順天府事
進鞭也府君病

命御醫診視屢

遣侍衛俯問藥餌及病增減狀以

詩存問曰腹因廢食減便便何事投醫未霍然欲乞水

衡權解職可忘芸席共研篇
三勸勤正長日我則憐
才未老年不忍養病例香樹還爲香樹例全痊府君恭
閱之下益深感涕故彌畱之際惟以

主恩未報爲念竝無一語及家事旣卒

上軫悼

諭曰工部尚書裘曰修品學端醇才猷練達入直內廷
屢膺使命宣力年久倚任方深今春偶患噎隔特遣太
醫院堂官診治復常遣御前侍衛前往看視比因病體
加劇奏請解職未允所請竝賜詩示慰昨又降旨晉加
宮銜俾之舒心攝養以冀速痊茲聞溘逝深爲悼惜著

加恩派散秩大臣一員帶侍衛十員往奠茶酒所有在任革職降級之案俱著開復其應得卹典仍著該部察例具奏欽此禮臣上請

賜祭一壇

給全葬銀五百兩

上俞之仍

予謚府君仰承

恩遇至優渥每以老親高年奔走臨事

天語垂念家人婦子無微不至退嘗感激流涕命

不孝

等

曰

天恩若是慙無報稱汝輩其銘心刻骨世篤不忘烏庠
不孝等

其敢忘之耶其忍忘之耶述言行曰府君生十
歲遭都諫公喪哀毀如成人奉太夫人至孝退朝輒依
膝下若孺子慕者兄弟五人府君爲季盡友愛於族人
咸有恩禮性樂易交游徧天下少年同學之友至老彌
親同直若富陽董文恪公年齒資格皆在前終身未嘗
跬步先也奉

使所至地方吏部院屬司曾承事者人人自以得府君
驩口未嘗言人過一事之善則贊賞不容口所與游多
文士獎借不遺餘力人恆以比歐陽公曰吾何敢望歐

公然公至交若梅聖俞蘇子美吾則差勝每下直入公署歸則視封事暇與賓從賦詩談古事爲樂必夜分始罷與人語多談天道倚伏以爲規誠里黨貧不能自存者賙之不勑捐五百金葺新建廟學少游贛歸舟失足溺水友之僕拯以濟貴後報以五百金且贍其子

男麟

沒時在河南王太夫人寓書曰彼之鳩形鵠面待賑待水漚以耕且食者皆人子也勿以汝子傷墮公事府君恒誦之以節哀慟待下以恩多感之居郝太夫人憂貌癯瘁有武弁遇於塗抱足慟哭曰好大人何老病至是府君不識也蓋江南使輅時曾一日爲巡捕官者王太

夫人之喪弔客未集環居第廛肆負販者數十百人先入哭皆盡哀有陝西計吏入都既拜見復拜曰來時弁某拜且屬以是寄謝蓋弁初爲格子烟墩汛卒處塞外數十年不得代府君遇之歸以告其長曰用人當均苦樂卒獲歸積勞得官且娶生二子矣府君爲文章不構思洋纒立成每遇

朝廷嘉禮輒奏賦頌館試所爲文後來者皆誦爲準式家有之評江右後四家制義以教人刻少年所著曰諾皋集登第後所作詩文奏疏若干卷未刻藏於家府君諱曰修字叔度號漫士以康熙壬辰年十月二十九日

寅時生乾隆癸巳年五月初一日巳時沒配吾母熊氏

誥封一品夫人故廣東海豐縣知縣大樊公女子五長

麟乾隆癸酉舉人庚辰進士翰林院編脩先沒娶鍾氏

吉水縣教諭建光公女次師國子監生先沒娶宋氏故

浙江道監察御史霖公女次行簡國子監生娶莊氏禮

部侍郎兼理樂部大臣存與公女次豫聘張氏故大學

士勤宣伯廷玉公孫女太僕寺少卿若濤公女次遵慶

側室駱氏出幼未聘女五人長適故吏部侍郎程公巖

長子乾隆己卯舉人分發福建候補知縣爲琳次適甘

肅寧夏道孔公繼洞長子廣枚次適故福建布政使曹

公繩柱三子國子監生寅生次幼殤次適故山西平陽

府知府徐公玉田子國子監生廷表孫男三人 承重不

孝元復 麟出聘李氏雲南巡撫湖公女次 音葆 麟出聘

牛氏湖北石首縣知縣兆奎公女次 增壽 師出聘程氏

國子監生世護公女孫女三人長麟出適直隸吳橋縣

知縣孫公景會長子晉元次師出許字桐城舉人張公

曾紋長子次行簡出幼未字烏序府君知遇在

宸衷德業在天下人口文章在冊府徒以 不孝等 幼且

不肖所能紀述者如此而已捨地呼天罪孽滋重痛尚

忍言哉痛尚忍言哉謹述

皇清誥授光祿大夫太子少傅

經筵講官

南書房供奉工部尚書兼管順天府尹事諡文達漫士
裘公墓誌銘

司空之職掌邦土居四民時地利使脩利隄防通達溝
瀆別五土之性而物其所生之宜荷責綦重

朝廷命官必深知其蘊蓄又歷試有功然後俾以宰揆
熙載之任裘公敷歷六曹經畫咸裕尤善於治水

上重公材器數任之公竭智慮告厥成功最後晉工部
尚書而公竟薨於位

國朝河防經

列聖親臨指授廟謨方略繼繼承承永垂底績然黃流自
澠池孟津而下北岸無山夾束合伊洛沁汜演漾穿貫
於中州積潦漲決之害與直隸北河淤溢之患亦所時
有公兩使河南辛巳偕重臣往塞楊橋口二百餘丈訖
卽往治直隸永定河浚蘆溝中泓疏金門求賢二壩水
口築牛坨壩遷牯牛河行東南導葛魚北溜又築攔水
埝淪鳳河淤兼治北運諸河築南倉橫隄以衛民居改
疊道以洩西流凡堤之圯者皆復之丁丑

上念河南水溢數郡專遣公往勘與巡撫胡公寶琮講

求疏醜之法興工代賑凡五閱月告成開幹河四使達
於淮曰賈魯河曰惠濟河曰渦河曰豐樂河其支河之
界在開封陳州歸德汝寧四郡者凡六十有三或分入
於惠濟北沙河或分入於惠濟渦溝洪溝澮河達於江
南或入於大沙河或入於洪汝二河奠州縣沮洳者二
十有八竝築汝陽遂平西平三邑之新舊河堤於是昏
墊攸去災黎寧居譬諸血脉通筋絡固而百病悉平矣
他如疏山東伊家河及安徽所隸宋陽等河浚京都之
大通河六千六百餘丈築兩閘減水石壩建長生隄壩
及創隄各百有五十丈莫不履勘咨詢採察輿論用能

上副

聖心宣布德意昔晉武帝命杜預建富平津河橋橋成
帝曰非卿此橋不立預曰非陛下聖明不成今日之功
聖天子知人善任公殫力竭忠良亦類是此外如往辦
巴里坤事

上特賜

御用冠服以寵其行查甘肅軍需開濰河疏江南水道
再理直隸水利審福建事最後往查

盛京旗地皆馳驅鞅掌悉心區處克當

聖心公年纔六十有二體貌清癯神彩奕奕居位三十

餘年以文學侍直

內廷綜理部務隨帶書局兼司撰著寅入酉歸尚與賓
從賦詩弈碁談諧娓娓至夜分弗倦宜公享遐齡以符
帝眷乃積勞病鬲雖絕食飲歷三旬而神氣如常欸接
不廢

上日遣

御醫診視

存問疊至公請解職

弗許

賜詩示慰晉加宮銜俾舒心攝養以冀速痊公感涕恭

和二詩手書進謝而病卒不起

上爲軫悼易名飾終之典哀榮備至朝野傷公逝者無
貴賤遐邇萬曉一涕公旌匱所泣泪溢洲渚嗚呼非功
惠及人能如是乎公諱曰修字叔度號漫士世居新建
雙港代有隱德曾祖宗海公邑庠生祖松亭公舉明經
考思補公康熙丁丑進士由建德令行取官吏部歷戶
刑兩科給事中祀建德名宦祠妣熊氏郝氏生母王氏
三代皆以公貴贈工部尚書及一品太夫人公爲諸生
一舉優行一舉詞科乾隆元年舉京兆試己未成進士
由編脩

御試高等受

上知晉翰林侍讀學士充講官歷詹事陞內閣學士兼
禮部侍郎一任兵部右侍郎再任吏部右侍郎三任戶
部左右侍郎一任工部左侍郎兩任倉場侍郎三尹京
歷禮刑工三部尚書中間以降官補中允侍講一入軍
機三侍

經筵丁卯典湖北試壬申己卯兩典江南試庚午癸酉
兩典浙試丙戌充會試總裁充會典館總裁四庫館總
裁奉

勅撰熱河志太學志西清古鑑秘殿珠林石渠寶笈錢

錄等書加太子少傅諡文達生於康熙壬辰十月二十九日沒於乾隆癸巳五月朔日配熊氏一品夫人男子五人麟庚辰進士官編脩師國子監生皆先公卒行簡國子監生豫皆嫡出遵慶側室駱出女子五人孫元復音葆增壽孫女三人公性孝友仁惠十齡居父喪五旬外居郝太夫人王太夫人喪哀毀一致敬愛諸兄振拔寒畯周急拯難典質以應當官任事舉重若輕御繁以簡僚屬吏役皆畏公明而樂公寬門生故吏遍天下受恩卹者至歷久拜謝公輒不省笑遣之而已平居不言人過惟以人命最重果報不爽爲勸戒見失意者卽惻

惻不安必曲折使得其在戶部最久而囊橐蕭然所
入卽隨手施與嘗典衣度歲人不知也司寇時能體
上意無一人死法外公澤躬文雅宏獎提唱有前輩標
韻道滁州攜歐陽公像可

上題得

允所請凡扈從侍宴及

慶典大禮舉行日廣揚紀頌之作詞林皆奉爲程式十
年來西師奏凱回部蕩平外蕃絡繹效順

御製詩文紀誌甚夥

上以公文筆清眞雋雅輒命撰著篇成屢邀

墓誌銘



贊賞如某什某篇皆奉

勅特作者公嘗仰體

睿製詩意繪土爾扈特款塞圖以進嚴威之象恭順之情黼黻勳猷潤色鴻業類如此所著詩文奏疏若干卷公書倣張卽之

上以內藏卽之書華嚴經殘本令公補書人莫能辨耳筆稽古之榮雖虞褚燕許奚讓焉其拜

恩賜如居第金幣

尚方珍玩

御書堂榜等不可勝紀太夫人春秋旣高錫類所加尤

蒙

宸眷公感泣倍至方勘豫災時子麟卒太夫人書訓曰
窮黎皆赤子勿以汝子傷墮公事公爲節慟聞者誦之
公彌留時語左右曰吾爲燕子磯水官君輩江行所次
苟酌卮酒弗敢辭有老嫗曰昔太夫人禱於磯邊神祠
始有身公之去來可知也子與公同官交契直

內廷三十年間見最深公子行簡輩將擇其月日欽承
諭葬公於某阡屬予文納壙爰撫公本末而銘

振翻泰階翰飛彩峙參身洪流力障氣砥形折智營鬱
塞昏徙艱重雜投弗鑿弗詭行所無事若治斯水公歷

六卿施設規此冶金斲材灼華擷薺口颺衆馨心容羣
技萌苟弗舒如遇在已美哉豫樟

帝灌植之零露滌之飄風抑之穀乃栗兮果乃實兮清
廟瑟兮和六律兮江河潤物公來有因水仙揚旗公返
有神豐碑穹窿功泐貞珉大哉

皇言練達端醇

賜進士及第

經筵講官太子太保文華殿大學士管理戶部事務加
七級年家眷同學弟子敏中頓首撰文

賜進士及第

經筵講官太子少傅戶部尚書加四級年家眷侍生王際華頓首書丹

賜進士出身兵部尚書加四級年家眷同學弟稽璜頓首篆蓋

裴文達公文集目錄

卷一

頌 賦

卷二

賦 記

卷三

序

卷四

跋 銘

卷五

誌 說 論 策

啓 引

卷六

傳 祭文 行述 墓誌銘

贊